

溝渠亦屬無益不若捐之於水以爲儲蓄之道其水沈地糧題請豁除至虹縣之板橋各小河口則濰河之入五湖者至此復露河形分爲二支一由謝家溝經古汴河一由烏鴉嶺經歸仁閘下安河俱入洪湖此兩支亦宜開浚以免阻礙其他支河在宿州者有彭家溝歐河栢山河在靈璧者有斗溝拖尾河沱河在虹縣者有荀家溝岳家河皆須挑濬以暢分流虹縣又有疇河年久淤塞宜改從潘家山南達於董家溝歸安河入湖最爲徑捷此三州縣應修之水道也惟下游洪湖以清口爲出路前蒙

聖明指示河臣將草壩拆卸以暢其流若每歲應期開

續行水金鑑卷五十四

淮水

三

放俾上游之水隨來隨去則來多去速亦不致壅閼於一時矣巡撫高晉又請浚治潁州府屬之兩河口急三道河茨河明河淝河武家河宋湯河鳳陽府屬之栢家河裔溝河黑濠河濕泥河俱報可皇朝文獻通考十月欽差侍郎夢麟等奏宣洩洪湖去路並請補修堰圩一帶石工又柴工改砌輒工及補築子堰各事宜

上諭曰及早宣洩疏通去路乃要務保護隄工終屬下

策爾等宜知之

純皇帝聖訓

十一月裘曰修夢麟白鍾山陳宏謀高晉奏全淮俱入洪湖而去路又以清口爲咽喉疊奉